

( 文章由大仁生活所寫 ， 文字及圖片版權均為大仁生活)

## 觀塘道 三雄行 買傘 超抵

2012年2月26日上午2:48

話說前日我要去觀塘見工，係見完工之後，準備返去搭地鐵嘅時候，比我見到 三雄行雨傘批發，因為我要買遮，所以就走去睇睇....

佢街邊樓梯底無咁多選擇，我問看舖那位姐姐，你地有冇太陽遮買呀？佢叫我上一樓睇下。



原來，上到一樓就已經可以用批發價錢買野。

我之前買遮都只係習慣性去深水埗福華街坤記糕點隔離買，我一問之下，原來深水埗都係佢地批發嘅，唔掛得知，我上次 \$120 蚊買一把 40 吋太陽遮，原來依度只係\$85 蚊。



結果，今日，我除左買太陽遮之外，仲買多兩把遮，街價\$75，佢批發價賣比我\$55 蚊咋。

老闆娘話：“你落得樓下記得唔好話比我舖頭個阿姐聽我係批發價比你呀...”我話無問題，但就奇怪點解佢會咁講...

之後係兩遮群中忽然有把男人聲一面講一面行出嚟話：“唉！家陣打工大過天架，惡過你做老闆架....人地好多野講....”

之後我就唔係好聽到佢講咩，因為佢又一面講一面又行返入 D 遮入面。

我唔知佢係米同我講。

不過，我就覺得佢好似專登出嚟同我“腥”幾句咁....



講返依間三雄記都幾易搵，係大街 觀塘道 404 號時運工業大廈，即係果間好難食嘅日本料理（

大盛) 隔離。

非常易搵。下次如果我又再唔見遮，又經過開 APM，我一定會再去上一樓幫襯，順便再睇

下仲有冇 D 乜野可以再八卦下....HAHAHA

\*\*文字及圖片版權均為

<http://blog.yahoo.com/4FF24AMAUQ4RKAJDLLONBS7HSA/articles/595436> \*\*